

SIARAN MEDIA

MSM CATAT KERUGIAN SEBELUM CUKAI SEBANYAK RM33 JUTA BAGI S1 TK2023

Tekanan kos input yang tinggi memberi kesan kepada margin operasi

KUALA LUMPUR, MEI 26, 2023 – MSM Malaysia Holdings Berhad (MSM) merekodkan kerugian sebelum cukai (LBT) sebanyak RM33 juta bagi suku pertama (S1) TK2023, berbanding kerugian sebelum cukai (LBT) sebanyak RM25 juta untuk S1 TK2022 hasil daripada margin yang lebih rendah dan kos operasi yang lebih tinggi.

Kumpulan mencatatkan margin untung kasar negatif sebanyak 2 peratus berbanding negatif 1 peratus pada tahun sebelumnya kerana Kumpulan terus beroperasi dalam segmen Pemborong margin negatif tanpa sebarang subsidi atau pelarasan harga. Kumpulan juga berdepan dengan kos pengeluaran yang lebih tinggi didorong oleh pertukaran asing sebanyak 5.2 peratus lebih tinggi dan peningkatan kos gas sebanyak 65 peratus yang mengakibatkan kos penapisan lebih tinggi.

Hasil lebih rendah sebanyak RM588 juta direkodkan bagi tempoh dalam tinjauan berbanding RM596 juta setahun lalu berikutan pengurangan jumlah jualan eksport bagi mengutamakan permintaan jualan tempatan.

Ketua Pegawai Eksekutif Kumpulan MSM, Syed Feizal Syed Mohammad berkata, “Industri gula berdepan dengan persekitaran kos input tinggi yang berpanjangan berikutan kenaikan kos gula mentah, pengangkutan, gas asli dan turun naik Ringgit Malaysia. Kos input lain seperti bahan pembungkusan, utiliti dan logistik darat juga meningkat dengan ketara.”

“Kami menjangka permintaan dalam pasaran tempatan dan eksport akan lebih kukuh pada masa hadapan tetapi kos input yang tinggi terus menghalang peningkatan prestasi kewangan Kumpulan. Kami gembira dengan pengumuman kerajaan semalam yang membenarkan industri gula tempatan menghasilkan gula halus putih tulen dengan harga yang ditentukan oleh kuasa pasaran. Ini akan membolehkan kami lebih berdaya tahan terhadap kos input yang tinggi. MSM akan terus berusaha untuk kembali untung secara mampan walaupun menghadapi cabaran kos input ini,” kata Syed Feizal.



MSM telah mengukuhkan kedudukannya sebagai kilang penapisan gula negara yang terkemuka, menyediakan produk gula bertapis berkualiti tinggi sejak lebih enam dekad. Oleh itu, MSM akan sentiasa memastikan bekalan gula yang mencukupi bagi pengguna tempatan serta melindungi keterjaminan makanan Malaysia.

“Untuk mitigasi tambahan, MSM Johor berada dalam fasa awal perolehan dandang ketiga bagi mengukuhkan lagi kemampuan operasi. Program penambahbaikan yang dirancang itu bertujuan bukan sahaja meningkatkan meningkatkan faktor penggunaan (UF) tetapi juga selari dengan visi MSM Johor untuk menjadi pusat penapisan gula bertaraf dunia. Terdapat peluang yang besar untuk mengembangkan eksport dengan pasaran lebih 4.0 juta tan setahun di Asia Pasifik di mana MSM Johor mempunyai kelebihan geo-strategik dalam rangkaian bekalan runcit dan industri,” tambah Syed Feizal.

MSM berhasrat untuk mengembangkan lagi jejak eksport antara 12-15 peratus dalam tempoh terdekat. Harga gula global telah meningkat disebabkan kebimbangan keterjaminan makanan dan permintaan global mengatasi pengeluaran. Daya tarikan pasaran eksport akan merangsang jumlah MSM ke China, Filipina dan Indonesia.

-TAMAT-

Maklumat MSM Malaysia Holdings Berhad (MSM)

MSM Malaysia Holdings Berhad (MSM) ialah pengeluar gula bertapis terkemuka Malaysia dan salah satu syarikat penapis gula terbesar di Asia. MSM terlibat dalam pengeluaran, pemasaran dan penjualan produk gula bertapis di bawah jenama “Gula Prai”. Syarikat ini menjalankan perniagaan terutamanya melalui dua anak syarikatnya, MSM Prai Berhad dan MSM Sugar Refinery (Johor) Sdn Bhd. Di samping itu, MSM juga mengendalikan sebuah syarikat logistik – MSM Logistics Sdn Bhd.

Pada masa ini, kapasiti pengeluaran tahunan MSM mencecah 2.05 juta tan gula bertapis. Pada tahun 2022, MSM mengeluarkan sebanyak 946,834 tan gula bertapis, di mana 230,903 tan adalah untuk pasaran eksport. Ketika ini, MSM menguasai sehingga 60% syer pasaran domestik. MSM telah disenaraikan di Pasaran Utama Bursa Malaysia sejak 2011 dan mempunyai modal pasaran sebanyak RM598 juta setakat 30 Disember 2022. MSM menggabungkan kejayaan ekonomi bersama perlindungan alam sekitar dan tanggungjawab sosial untuk masa depan yang mampan.

MSM menawarkan pelbagai rangkaian produk daripada gula bertapis putih pelbagai saiz sehinggalah ke gula perang halus. Kesemua produk ini telah dipasarkan dan dijual di dalam pelbagai bentuk pilihan pembungkusan di bawah jenama “Gula Prai”. MSM juga turut menjual ‘molasses’ sejenis produk sampingan yang dihasilkan menerusi proses penapisan gula hingga ke produk penyulingan dan penghasilan etanol, makanan haiwan dan yis antara lain-lain produknya. Selain daripada produk pengguna isi rumah, MSM menjual kepada pelbagai pelanggan di Malaysia dan juga negara-negara lain secara langsung dan tidak langsung melalui pedagang, pemborong dan pengedar. Para pelanggan termasuklah syarikat-syarikat besar dalam industri minuman dan makanan, hotel, restoran dan rangkaian kedai-kedai makanan.

Untuk maklumat lanjut, sila layari www.msmsugar.com

Pernyataan Berpandangan Ke Hadapan

Beberapa pernyataan dalam laporan ini mengenai operasi MSM adalah berbentuk pernyataan yang berpandangan ke hadapan. Pernyataan ini boleh dikenal pasti dengan kata-kata kunci seperti “percaya”, “menganggarkan”, “mengharapkan”, “menjangka”, “berhasrat”, “mungkin”, “akan”, “merancang”, “prospek” dan perkataan lain yang mempunyai maksud yang berkaitan dengan perbincangan mengenai prestasi operasi atau kewangan masa hadapan. Pernyataan ini berkaitan dengan rancangan, objektif, matlamat, strategi, operasi dan prestasi masa hadapan MSM. Keputusan dan hasil sebenarnya mungkin berbeza daripada yang diunjurkan dalam mana-mana pernyataan yang berpandangan ke hadapan disebabkan oleh pelbagai peristiwa, risiko, ketidakpastian dan faktor lain yang terlibat. Kami tidak berhasrat atau tidak menanggung apa-apa obligasi untuk mengemas kini atau meminda mana-mana pernyataan yang berpandangan ke hadapan, sama ada disebabkan oleh maklumat baharu, peristiwa masa hadapan atau sebaliknya.



Untuk pertanyaan media sila hubungi:

Siti Noorbaya Mohd Yunus
+603 2181 5018 ext. 158
+6016 677 6118
noorbaya.my@msmsugar.com

Syahidah Ismail
+603 2181 5018 ext. 154
+6019 225 9705
syahidah.i@msmsugar.com